

四庫全書

子部

欽定四庫全書

子部
救荒本草
目錄
卷一

詳校官中書臣竇汝翼

編修臣倉聖脈覆勸

總校官原任中允臣王燕緒

校對官助教臣卜惟吉

謄錄監生臣袁瑩

欽定四庫全書

子部四

救荒本草目錄

農家類

卷一

草部二百四十五種

卷二

草部

卷三

草部

卷四

草部

卷五

木部
八十種

卷六

木部

卷七

米穀部
二十種

果部 二十三種

卷八

菜部 四十六種

臣等謹案救荒本草八卷明周王朱橚撰橚
明太祖第五子洪武十一年封十四年就藩
開封建文時廢徙雲南成祖復其爵洪熙元
年薨謚曰定明史本傳稱橚好學能詞賦嘗
作元宮詞百章以國土夷曠庶草蕃廡考核

其可佐饑饉者四百餘種繪圖上之即是書也李時珍本草綱目以此書及普濟方俱云洪武初周憲王著攷憲王有燬於仁宗初始嗣封其說殊誤是編為嘉靖乙卯陸東所重刊每卷又分為前後共成四卷其見諸舊本草者一百三十八種新增者二百七十六種皆詳核可據前有東自序亦稱周憲王著蓋當時以親藩貴重刊書皆不題名故輾轉傳

訛有所不免今特為糾正焉乾隆四十三年
九月恭校上

總纂官臣紀昀臣陸錫熊臣孫士毅

總校官臣陸費墀

救荒本草原序

植物之生於天地間莫不各有所用苟不見諸載籍雖老農老圃亦不能盡識而可亨可芼者皆躡藉於牛羊鹿豕而已自神農氏品嘗草木辨其寒溫甘苦之性作為醫藥以濟人之天札後世賴以延生而本草書中所載多伐病之物而於可茹以充腹者則未之及也敬惟周王殿下體仁遵義孳孳為善凡可以濟人利物之事無不留意嘗讀孟子書至于五穀不熟不如莩稗因念

林林總總之民不幸罹於旱澇五穀不熟則可以療飢者恐不止羨禱而已也苟能知悉而載諸方冊俾不得已而求食者不感甘苦於荼薺取昌陽棄烏喙因得以裨五穀之缺則豈不為救荒之一助哉於是購田夫野老得甲坼勾萌者四百餘種植於一圃躬自閱視俟其滋長成熟迺召畫工繪之為圖仍䟽其花實根幹皮葉之可食者彙次為書一帙名曰救荒本草命臣同為之序臣惟人情於飽食煖衣之際多不以凍餒為虞一旦

遇患難則莫知所措惟付之於無可柰何故治已治人
鮮不失所今殿下處富貴之尊保有邦域於無可虞度
之時乃能念生民萬一或有之患深得古聖賢安不忘
危之旨不亦善乎神農品嘗草木以療斯民之疾殿下
區別草木欲濟斯民之飢同一仁心之用也雖然今天
下方樂雍熙泰和之治禾麥產瑞家給人足不必論及
於荒政而殿下亦豈忍覩斯民仰食於草木哉是編之
作蓋欲辨載嘉植不沒其用期與圖經本草並傳于後

世庶幾萍實有徵而凡可以亨笔者得不躡藉於牛羊
鹿豕苟或見用於荒歲其及人之功利又非藥石所可
擬也尚慮四方所產之多不能盡錄補其未備則有俟
於後日云永樂四年歲次丙戌秋八月奉議大夫周府
左長史臣卞同序

欽定四庫全書

救荒本草卷一

明 周王朱橚 撰

草部

葉可食 本草原有四十種

欽定四庫全書


卷一

刺薊菜

以下草部

葉可食

本草原有



刺薊菜

本草名小薊俗名青刺薊北人呼為干針


草出冀州生平澤中今處處有之苗高尺餘葉似苦苣
葉莖葉俱有刺而葉不皺葉中心出花頭如紅藍花而
青紫色性涼無毒一云味甘性溫

救飢採嫩苗葉燂熟水浸淘淨油鹽調食甚美除風

熱

治病文具本草草部大小薊條下

大薊



大薊 舊不著所出州土云生山谷中今鄭州山野
間亦有之苗高三四尺莖五稜葉似大花苦苣菜葉莖
葉俱多刺其葉多皺葉中心開淡紫花味苦性平無毒
根有毒

救飢採嫩苗葉燥熟水淘去苦味油鹽調食

治病文具本草草部大小薊條下

山莧菜



山莧菜

本草名牛膝一名百倍俗名脚斯蹬又名

對節菜生河內川谷及臨朐江淮閩粵關中蘇州皆有
之然皆不及懷州者為真蔡州者最長大柔潤今鈞州
山野中亦有之苗高二尺已來莖方青紫色其莖有節
如鶴膝又如牛膝狀以此名之葉似莧菜葉而長頗尖
梢音哨葉皆對生開花作穗根味苦酸性平無毒葉味甘
微酸惡螢火陸英龜甲畏白前


救飢採苗葉煤熟換水浸去酸味淘淨油鹽調食

治病文具本草草部牛膝條下

欽定四庫全書

卷一

軟冬花



欽冬花

一名橐

托音

石一名顛凍一名虎鬚一名菟

奚一名氏冬生常山山谷及上黨水傍關中蜀北宕

音蕩

昌秦州雄州皆有今鈞州密縣山谷間亦有之莖青微

帶紫色葉似葵葉甚大而叢生又似石葫蘆葉頗圓開

黃花根紫色圖經云葉如荷而斗直大者容一升小者

容數合俗呼為蜂斗葉又名水斗葉此物不避冰雪最

先春前生雪中出花世謂之鑽凍又云有葉似葶藶開

黃花青紫萼去土一二寸初出如菊花萼通直而肥實

無子陶隱居所謂出高麗百濟者近此類也其葉味苦
花味辛甘性溫無毒杏仁為之使得紫菀良惡皂莢硝
石元參畏貝母辛夷麻黃黃芩黃連青箱

救飢採嫩葉燂熟水浸淘去苦味油鹽調食

治病文具本草草部條下

欽定四庫全書

卷一

篇蓄




篇蓄 亦名篇竹生東萊山谷今在處有之布地生

道傍苗似石竹葉微闊嫩綠如竹赤莖如釵股節間花
出甚細淡桃紅色結小細子根如蒿根苗葉味苦性平
一云味甘無毒

救飢採苗葉燂熟水浸淘淨油鹽調食

治病文具本草草部條下

大藍



大藍 生河內平澤今處處有之人家園圃中多種
苗高尺餘葉類白菜葉微厚而狹窄尖觚淡粉青色莖
又梢間開黃花結小莢其子黑色本草謂菘藍可以為
靛染青以其葉似菘菜故名菘藍又名馬藍爾雅所謂
葳馬藍是也味苦性寒無毒

救飢採葉燂熟水浸去苦味油鹽調食

治病文具本草草部藍實條下

石竹子



石竹子

本草名瞿麥一名巨句麥一名大菊一名

大蘭又名杜母草燕麥薺

音藥

麥生大山川谷今處處有

之苗高一尺已來葉似獨掃葉而尖小又似小竹葉而細窄莖亦有節梢間開紅白花而結蒴內有小黑子味苦辛性寒無毒蓑草牡丹為之使惡蝶蛸

救飢採嫩苗葉燂熟水浸淘淨油鹽調食

治病文具本草草部瞿麥條下

紅花菜



紅花菜

本草名紅藍花一名黃藍出梁漢及西域

滄魏亦種之今處處有之苗高二尺許莖葉有刺似刺

薊葉而潤澤密

五化切

面稍結球彙

音求胃

亦多刺開紅花

藥出椽上圃人採之採已復出至盡而罷椽中結實白
顯如小豆大其花暴乾以染真紅及作胭脂花味辛性

溫無毒葉味甘

救飢採嫩葉燂熟油鹽調食子可笮

音

作油用

治病文具本草草部紅藍花條下

萱草花



萱草花


俗名川草花本草一名鹿葱謂生山野花

名宜男風土記云懷妊婦人佩其花生男故也人家園
圃中多種其葉就地叢生兩邊分垂葉似菖蒲葉而柔
弱又似粉條兒菜葉而肥大葉間攢葶開金黃花味甘
無毒根涼亦無毒葉味甘

救飢採嫩苗葉煤熟水浸淘淨油鹽調食

治病文具本草草部條下

車輪菜



本草綱目

救荒本草

十三

車輪菜

本草名車前子一名當道一名芣苢

音浮以

一名蝦蟆衣一名牛遺一名勝鳥

昔音

爾雅云馬舄幽州

人謂之一舌草生滁州及真定平澤今處處有之春初

生苗葉布地如匙面累年者長及尺餘又似玉簪葉稍

大而薄葉叢中心攢莖三四莖作長穗如鼠尾花甚密

青色微赤結實如葶藶子赤黑色生道傍味甘鹹性寒

無毒一云味甘性平葉及根味甘性寒常山為之使

救飢採嫩苗葉燂熟水浸去涎沫淘淨油鹽調食

治病文具本草草部車前子條下

白水葶苗



白水葑苗

本草名葑草一名鴻藟

音緬


有赤白二色

爾雅云紅龍古其大者歸鄭詩云隰有遊龍是也所在有之生水邊下濕地葉似蓼葉而長大有溢毛花開紅白又似馬蓼其莖有節而赤味鹹性微寒無毒

救飢採嫩苗葉燂熟水浸淘淨油鹽調食洗淨蒸食亦可

治病文具本草草部葑草條下

黄耆



黃耆

一名戴糝一名戴椹一名獨椹一名菱草一

名蜀脂一名百本一名王孫生蜀郡山谷及白水漢中
河東陝西出綿上呼為綿黃耆今處處有之根長二三
尺獨莖叢生枝幹其葉扶疎作羊齒狀似槐葉微尖小
又似蒺藜葉闊大而青白色開黃紫花如槐花大結小
尖角長寸許味甘性微溫無毒一云味苦微寒惡龜甲
白蘚皮


救飢採嫩苗葉焯熟換水浸淘洗去苦味油鹽調食

藥中補益呼為羊肉

治病文具本草草部條下

--	--	--	--	--	--	--	--

威靈仙



威靈仙

一名能消出商州上洛華山并平澤及陝

西河東河北河南河湖石州寧化等州郡不聞水聲者
良今密縣梁家衝山野中亦有之苗高一二尺莖方如
釵股四稜莖多細茸白毛葉似柳葉而闊邊有鋸齒又
似旋覆花葉其葉作層生每層六七葉相對排如車輪
樣有六層至七層者花淺紫色或碧白色作穗似蒲臺
子亦有似菊花頭者結實青色根稠密多鬚味苦性溫
無毒惡茶及麵湯以甘草梔子代飲可也


救飢採葉燂熟換水浸去苦味再以水淘淨油鹽調食

治病文具本草草部條下

欽定四庫全書

卷一

馬兜鈴



馬兜鈴

根名雲南根又名土青木香生關中及信

州滁州河東河北江淮夔

音旭

浙州郡皆有今高阜

音負去

處亦有之春生苗如藤蔓葉如山藥葉而厚大背白開
黃紫花頗類枸杞花結實如鈴作四五瓣葉脫時鈴尚
垂之其狀如馬項鈴故得名味苦性寒又云平無毒

救飢採葉燂熟用水浸去苦味淘淨油鹽調食

治病文具本草草部條下

旋覆花



旋覆花


一名戴椹一名金沸草一名盛椹上黨田

野人呼為金錢花爾雅云葎盜庚出隨州生平澤川谷
今處處有之苗多近水傍初生大如紅花葉而無刺苗
長二三尺已來葉似柳葉稍寬大莖細如蒿藜開花似
菊花如銅錢大深黃色花味鹹甘性溫微冷利有小毒
葉味苦性涼

救飢採葉燂熟水浸去苦味淘淨油鹽調食

治病文具本草草部條下

防風



防風 一名銅芸一名茴草一名百枝一名屏風一
名蔞根一名百蜚生同州沙苑川澤邯鄲琅邪上蔡陝
西山東處處皆有今中牟田野中亦有之根上黃色與
蜀葵根相類梢細短莖葉俱青綠色莖深而葉淡葉似
青蒿葉而闊大又似米蒿葉而稀疎莖似茴香開細白
花結實似胡荽子而大味甘辛性溫無毒殺附子毒惡
乾薑藜蘆白斂芫花又有石防風亦療頭風眩痛又有
叉頭者令人發狂叉尾者發痼疾

救飢採嫩苗葉作菜茹煤食極爽口

治病文具本草草部條下

欽定四庫全書

卷一

藜藿臭苗



藟藟臭苗

本草芫蔚子是也一名益母一名益明一

名大札一名貞蔚皆云推

音推


益母也亦謂推臭穢生海

濱池澤今田野處處有之葉似荏子葉又似艾葉而薄
小色青莖方節節開小白花結子黑茶褐色三稜細長
味辛甘微溫一云微寒無毒

救飢採苗葉燂熟水浸淘淨油鹽調食

治病文具本草草部芫蔚子條下

澤漆



本草綱目

救荒本草

三

澤漆

本草一名漆莖大戟苗也生大山川澤及糞

州鼎州明州今處處有之苗高二三尺科又生莖紫赤

色葉似柳葉微細短開黃紫花狀似杏花而瓣頗長生

時摘葉有白汁出亦能啗

音咬

人故以為名味苦辛性微

寒無毒一云有小毒一云性冷微毒小豆為之使惡薯

蕓今嘗葉味澁苦食過回味甜


救飢採葉及嫩莖煤熟水浸淘淨油鹽調食採嫩葉

蒸過晒乾做茶喫亦可

治病文具本草草部條下

--	--	--	--	--	--	--	--	--

酸漿草



酸漿草

本草名酢

與醋字同

漿草一名醋母草一名鳩

酸草俗為小酸茅舊不著所出州土今處處有之生道

傍下濕地葉如初生小水萍每莖端皆叢生三葉開黃

花結黑子南人用苗指鋤

音偷

石器令白如銀色光艷味

酸性寒無毒

救飢採嫩苗葉生食

治病文具本草草部酢漿條下

蛇床子



蛇床子

一名蛇粟一名蛇米一名虺牀一名思益

一名繩毒一名棗棘一名牆薜爾雅一名盱生臨淄川

谷田野今處處有之苗高二三尺青碎作叢似蒿枝葉

似黃蒿葉又似小葉薜蘿又似藁本葉每枝上有花頭


百餘結同一窠開白花如傘蓋狀結子半黍大黃褐色

味苦辛甘無毒性平一云有小毒惡牡丹巴豆貝母

救飢採嫩苗葉燂熟水浸淘洗淨油鹽調食

治病文具本草草部條下

桔梗



桔梗 一名利如一名房圖一名白藥一名梗草一

名薺芘生嵩高山谷及宛句和州解州今鈞州密縣山
野亦有之根如手指大黃白色春生苗莖高尺餘葉似
杏葉而長攢四葉相對而生嫩時亦可煮食開花紫碧
色頗似牽牛花秋後結子葉名隱忍其根有心無心者
乃薺芘也根葉味辛苦性微溫有小毒一云味苦性平
無毒節皮為之使得牡礪遠志療恚怒得硝石石膏療
傷寒畏白芨龍眼龍膽

救飢採葉燂熟換水浸去苦味淘洗淨油鹽調食
治病文具本草草部條下

茴香



茴香

一名懷

音懷


香子北人呼為土茴香茴懷聲相

近故云耳今處處有之人家園圃多種苗高三四尺莖
麤如筆管傍有淡黃袴葉拂莖而生袴葉上發生青色
細葉似細蓬葉而長極踈細如系髮狀袴葉間分生叉
枝梢頭開花花頭如傘蓋黃色結子如蔣蘿子微大而
長亦有線瓣味苦辛性平無毒

救飢採苗葉焯熟換水淘淨油鹽調食子調和諸般
食味香美

治病文具本草部懷香子條下

夏枯草



夏枯草

本草一名夕句一名乃東一名燕面生蜀

郡川谷及河淮浙滌平澤今祥符西田野中亦有之苗高二三尺其葉對節生葉似旋覆葉而極長大邊有細鋸齒背白上多氣脉紋路葉端開花作穗長二三寸許其花紫白似丹參花葉味苦微辛性寒無毒土瓜為之使俗又謂之麝臭苗非是

救飢採嫩葉焯熟換水浸淘去苦味油鹽調食

治病文具本草草部條下

藁本



本草綱目

救荒本草

十四

藁本 一名鬼卿一名地新一名微莖生崇山谷
及西川河東兗州杭州今衛輝輝縣栲栳圈山谷間亦
有之俗名山園萋苗高五七寸葉似芎藭葉細小又似
園萋葉而稀疎莖比園萋莖頗硬直味辛微苦性溫微
寒無毒惡藺茹畏青箱子

救飢採嫩苗葉燂熱水浸淘淨油鹽調食

治病文具本草草部條下

柴胡




柴胡 一名地薰一名山菜一名茹草葉一名芸蒿
生弘農川谷及宛句壽州淄州關陝江湖間皆有銀州
者為勝今鈞州密縣山谷間亦有苗甚辛香莖青紫堅
硬微有細線楞葉似竹葉而小開小黃花根淡赤色味
苦性平微寒無毒半夏為之使惡卓莢畏女菀藜蘆又
有苗似斜蒿亦有似麥門冬苗而短者開黃花生丹州
結青子與他處者不類

救飢採苗葉燂熟換水浸淘去苦味油鹽調食

治病文具本草草部條下

漏蘆



漏蘆

一名野蘭俗名莢蒿根名鹿驪根俗呼為鬼

油麻生喬山山谷及秦州海州單州曹兗州今鈞州新
鄭沙崗間亦有之苗葉就地叢生葉似山芥菜葉而大
又多花又亦似白屈菜葉又似大蓬蒿葉及似風花菜
腳葉而大葉中攢葶上開紅白花根苗味苦鹹性寒大
寒無毒連翹為之使

救飢採葉燂熟水浸淘去苦味油鹽調食

治病文具本草草部條下

龍膽草



本草綱目

救荒本草

三

龍膽草

一名龍膽一名陵游俗呼草龍膽生齊胸

山谷及寬甸襄州吳興皆有之今鈞州新鄭山崗間亦有根類牛膝而根一本十餘莖黃白色宿根苗高尺餘葉似柳葉而細短又似小竹開花如牽牛花青碧色似小鈴形樣陶隱居注云狀似龍葵味苦如膽因以為名味苦性寒大寒無毒貫衆小豆為之使惡防葵地黃又云浙中又有山龍膽草味苦澁此同類而別種也

救飢採葉燂熟換水浸淘去苦味油鹽調食勿空腹

服餌令人溺不禁

治病文具本草草部條下

欽定四庫全書

卷一

鼠菊



鼠菊

本草名鼠尾草一名勤音勅一名陵翹出黔州

及所在平澤有之今鈞州新鄭崗野間亦有之苗高一
二尺葉似菊花葉微小而肥厚又似野艾蒿葉而脆色
淡綠莖端作四五穗穗似車前子穗而極疎細開五瓣
淡粉紫花又有赤白二色花者黔中者苗如蒿爾雅謂
勤鼠尾可以染皂味苦性微寒無毒

救飢採葉燂熟換水浸去苦味再以水淘令淨油鹽調食
治病文具本草草部鼠尾草條下

前胡




前胡 生陝西漢梁江淮荆襄江寧成州諸郡相孟越衢婺睦等州皆有今密縣梁家衝山野中亦有之苗高一二尺青白色似斜蒿味甚香美葉似野菊葉而瘦細頗似山蘿蔔葉亦細又似芸蒿開豔白花類蛇床子花秋間結實根細青紫色一云外黑裏白味甘辛微苦性微寒無毒半夏為之使惡阜莢畏藜蘆

救飢採葉煤熟換水浸淘淨油鹽調食

治病文具本草草部條下

猪牙菜



猪牙菜

本草名角蒿一名莪蒿一名蘿蒿又名蘆

廩音廩蒿舊云生高崗及澤田漸如處多有今在處有之生
田野中苗高一二尺莖葉如青蒿葉似斜蒿葉而細又
似蛇床子葉頗壯梢間開花紅赤色鮮明可愛花罷結
角子似蔓菁角長二寸許微彎中有子黑色似王不留
行子味辛苦性溫無毒一云性平有小毒

救飢採嫩苗莖葉燂熟水浸去苦味淘淨油鹽調食
治病文具本草草部角蒿條下

地榆




地榆 生桐柏山及宛句山谷今處處有之密縣山
野中亦有此多宿根其苗初生布地後攢莖直高三四
尺對分生葉葉似榆葉而狹細頗長作鋸齒狀青色開
花如椹子紫黑色又類豉故名玉豉其根外黑裏紅似
柳根亦入釀酒藥燒作灰能爛石味苦甘酸性微寒一
云沉寒無毒得髮良惡麥門冬

救飢採嫩葉焯熟用水浸去苦味換水淘淨油鹽調
食無茶時用葉作飲甚解熱

治病文具本草草部條下

--	--	--	--	--	--	--	--	--

川芎



川芎

一名芎藭一名胡藭一名香果其苗葉名藜


蕪一名薇蕪一名泣離生武功川谷斜谷西嶺雍州川澤及冤句其關陝蜀川江東山中亦多有以蜀川者為勝今處處有之人家園圃多種苗葉似芹而葉微細窄却有花叉又似白芷葉亦細又如園荳葉微壯又有一種葉似蛇床子葉而亦麓壯開白花其芎人家種者形塊大重實多脂潤其裏色白味辛甘性溫無毒山中出者瘦細味苦辛其節大莖細狀如馬銜謂之馬銜芎狀

如雀腦者謂之雀腦芎此最有力白芷為之使畏黃連
其蘼蕪味辛香性溫無毒

救飢採葉燂熟換水浸去辛味淘淨油鹽調食亦可
煮飲甚香

治病文具本草草部條下


葛勒子秧



葛勒子秧 本草名律草亦名葛勒蔓一名葛律蔓
又名澁蘿蔓南人呼為攬藤舊不著所出州土今田野
道傍處處有之其苗延蔓而生藤長丈餘莖多細澁刺
葉似葶麻葉而小亦薄莖葉極澁能抓挽人莖葉間開
黃白花結子類山絲子其葉味甘苦性寒無毒

救飢採嫩苗葉燂熟換水浸去苦味淘淨油鹽調食
治病文具本草草部律草條下

連翹



連翹

一名異翹一名蘭華一名折根一名軹

音紙一

名三廡爾雅謂之連一名連苕

音條

生太山山谷及河中

江寧澤潤淄究鼎岳利州南康皆有之今密縣梁家衝

山谷中亦有科苗高三四尺莖桿赤色葉如榆葉大而

光色青黃邊微細鋸齒又似金銀花葉微尖

音梢

開花

黃色可愛結房狀似山梔子蒴微匾而無稜瓣蒴中有

子如雀舌樣極小其子折之間片片相比如翹以此得

名味苦性平無毒葉亦味苦

救飢採嫩葉煤熟換水浸去苦味淘洗淨油鹽調食
治病文具本草草部條下

仙靈脾



仙靈脾

本草名淫羊藿一名剛前俗名黃德祖干

兩金乾雞筋放杖草棄杖草俗又呼三枝九葉草生上
郡陽山山谷及江東陝西泰山漢中湖湘汾州等郡并
永康軍皆有之今密縣山野中亦有苗高二尺許莖似
小豆莖極細緊葉似杏葉頗長近蒂皆有一缺又似菘
豆葉亦長而光梢間開花白色亦有紫色花作碎小獨
頭子根紫色有鬚形類黃連狀味辛性寒一云性溫無
毒生處不聞水聲者良薯蕷紫芝為之使

救飢採嫩葉燂熟水浸去邪味淘淨油鹽調食
治病文具本草草部淫羊藿條下

欽定四庫全書

卷一

青杞



青杞

本草名蜀羊泉一名義泉一名羊飴俗名漆

姑生蜀郡山谷及所在平澤皆有之今祥符縣西田野

中亦有苗高二尺餘葉似菊葉稍長花開紫色子類枸

杞子生青熟紅根似遠志無心有椹疎錦切味苦性微寒

無毒

救飢採嫩葉煤熟水浸去苦味淘洗淨油鹽調食

治病文具本草草部蜀羊泉條下

野生薑




野生薑 本草名劉寄奴生江南其越州滁州皆有之今中牟南沙崗間亦有之莖似艾蒿長二三尺餘葉似菊葉而瘦細又似野艾蒿葉亦瘦細開花白色結實黃白色作細筒子蒴兒蓋蒿之類也其子似稗而細苗葉味苦性溫無毒

救飢採嫩葉燂熟水浸淘去苦味油鹽調食

治病文具本草草部劉寄奴條下

馬蘭頭



馬蘭頭


本草名馬蘭舊不著所出州土但云生澤

傍如澤蘭北人見其花呼為紫菊以其花似菊而紫也
苗高一二尺莖亦紫色葉似薄荷葉邊皆鋸齒又似地
瓜兒葉微大味辛性平無毒又有山蘭生山側似劉寄
奴葉無極不對生花心微黃赤

救飢採嫩苗葉煤熟新汲水浸去辛味淘洗淨油鹽
調食

治病文具本草草部條下

稀燕



豨薹


音秋

俗名占糊菜俗又呼火杵草舊不著所出

州郡今處處有之苗高三四尺金稜銀線素根紫稽莖
又對節而生莖葉頗類蒼耳莖葉紋脉豎直梢葉間開
花深黃色又有一種苗葉似芥葉而尖狹開花如菊結
實頗似鶴蟲科苗味苦性寒有小毒

救飢採嫩苗葉燂熟水浸去苦味淘洗淨油鹽調食
治病文具本草草部條下

澤瀉



本草綱目卷之四

救荒本草

五十一

澤瀉

俗名水薺菜一名水瀉一名及瀉一名芒芋

一名鵝瀉生汝南池澤及齊州山東河陝江淮亦有漢

中者為佳今水邊處處有之叢生苗葉其葉似牛舌草

葉紋脉豎直葉叢中間攏葶對分莖又莖有線楞梢間

開三瓣小白花結實小青細子味甘葉味微鹹俱無毒

救飢採嫩葉燂熟水浸淘淨油鹽調食

治病文具本草草部條下

救荒本草卷一